

Comunu de
Sètimu
Tzitadi Metropolitana de Casteddu
Pratza Sandro Pertini n. 1 09040 Sètimu



C.F. 80004000925
Tel. 070 76911 Fax 070 765687
giassu: www.comune.settimosanpietro.ca.it
pec: protocollo@pec.comune.settimosanpietro.ca.it

BONA PASCHIXEDDA ...IN TEMPUS DE COVID 🌲

Tzitadinus istimaus,

seus lòmpius giai a sa noti de cena de is festas de Paschixedda, ca ocannu ant a essi unu pagheddu diferentis da cumenti ddas a eus sèmpiri bivias.

Difatis est stètiu un' annu grai e difìcili, cun un' emergèntzia sanitària manna meda ca at lassau s'arrastu fintzas in sa comunidadi nosta. Sètimu puru at pagau unu dàtziu tristu e grai a su Covid, po sa morti de duus tzitadinus nostrus. A is familiaris insoru lompint su pensamentu de stima e de bixinàntzia, assumancu in su coru.

Ocannu, po Paschixedda eus a tenni àteras règulas de pigai in consideru, e eus a tenni calincuna atentzioni in prus intra de nosu, poita sa situatzioni ca seus bivendi, de emergèntzia sanitària, si invitat a cuntènni is momentus de festa, is imprassus, non fai amuntonamentu, po preveniri e cuntènniri s'impestu.

Totu custu at a fai bivi sa Paschixedda in un'ambienti prus ìntimu, mancai in prus pagus, e sa mirada at a essi ca pròpriu custa intimidadi particulari imposta da is Autoridadis, siat invècias s'ocasioni po afortiai is relatzionis familiaris e s'afrìsciu de comunidadi.

S'Aministratzioni traballat sèmpiri po circai de cuntènniri, po su chi podit, is efetus de custa pandemia in sa comunidadi nosta. Ddu at fatu, e ddu est fendi imoi etotu, improntendi misuras de solidariedadi alimentari, donendi bonus econòmicus e cun misuras a sustènniu de is atividadis produtivas de su logu cumenti su bandu e s'assignatzioni de contributus econòmicus comunalis e at smenguau sa Tari.

De siguru meda de bosatrus non bint s'ora ca custu 2020 acabidi, cun sa spera ca su 2021 s' arregalat

una torrada a sa vida sotziali normali.

Est pròpriu cun custa punna ca seus traballendi cumentu a Aministrazzioni Comunali. Ariseu etotu sa Giunta comunali at aprovau una delibera aundi si decidit, imperendi dinai de su bilànciu, una promotzioni de screening apitzus de su Covid, a indonu e su basi bolontària po calincuna categoria de tzitadinus, cun test lestrus: ant a essi incarreraus a s'inghitzu de s'annu nou e ant a interessai is prus mannus de 60 annus, is picocus de is scolas nostas e is maistrus, in manera de tenni, in sa comunidadi nosta, prus informatziones de su spàinu de su virus, cun sa punna ca fintzas custa misura at a agudai a unu controllu prus sintzillu e a frimai s'impestu.

Po custu bollu sighiri a fai apellus a su respetu de is misuras contra a s'impestu cumentu su distanziamentu, s'igieni de is manus e s'imperu de is mascareddas, po fai a manera ca totus is sacrificius fatus fintzas a oi, no andint pèrdius.

A nòmini miu e de s'Aministrazzioni comunali unu augùriu mannu e berdaderu de BONA PASCHIXEDDA.

Su Sìndigu.

